

王
川
子
詩
集

玉川子詩註序

錢庶沈靜風晴川拜撰

唐制科舉奔走天下士士至爲所爲文投公辟間與爲之
廷譽取功名沒以成俗賢如昌黎韓先生猶三上宰相書
他可知已處士盧今先生則否隱居洛陽自號玉川子閉
戶不出昌黎令河南特重其爲人與之交一語及留守河
南尹軼掩耳同時洛水南北兩山人及少室山人皆先後
應徵辟先生終勿爲起傳稱文宗朝甘露之變先生亦與
于難蓋宰相王涯開亂余皇走長安茶肆先生適在焉遇
者收涯并害先生豈涯爲昌黎同榜士邂逅談先生遂莫

之避耶抑先生嘗作詩指切近倖近倖切齒竟有意殺之也從來奄人得志常與士類爲仇大抵士類中自相攻擊而似手于奄人以肆其毒漢之甘陵唐之甘露白馬明之東林前後一轍始發難于搢紳終流禍于名士如先生之不幸而死者不少此不足怪獨怪先生高臥洛陽垂老入長安意果安在若史可信吾欲起先生而問之先生爲詩以雄豪放恣自喜歲久零落殘編逸簡存什一于千百孫君峭川多方搜拾按其科條尋其章句神會天解根據典故自有此詩從無此註唐詩人無慮數百家獨嗜先生詩味于衆人之所不味微顯闡幽有未易詰其所以然者先

生川傳篇刺譏當塗大意有所發憤其本構禍多此刺君
家可之概歎資此詩以爲拔地倚天宇字欲活當與昌黎
進學解並舉顧經生家見者絕少卽見又疑其信偏險與
幾于期期不可誦顧君發明其旨趨乃益信可之語爲不
虛何孫氏之世有造于先生也歟工科米之學者或以笑
無川諷君君一笑謝士各有好外淵我盧先生爲也

王川先生傳

仁和孫之騄贈川述

先生姓盧名全其先山范陽以其世次至先生與昌黎韓愈同府濟源人也今縣西北二十里石村王川有全莊云余讀賈島哭全詩曰賢人無官死不親者亦悲空令古鬼哭更得新鄰比平生四十年惟著白布衣天子未辟召地府誰來追長安有交友託孤遠棄骸側誌石短文字行參差無錢買松栽自生蒿草枝在日贈我文淚流把讀時從茲加敬重深藏恐失遺則當日長安與全交者不爲寡矣而展墓痛哭者獨島一人先生詩云平生結交苦少人

蘇果然哉史稱全隱少室山自號玉川子微諫議不起韓
愈爲河南令愛其詩厚禮之愈死全落拓無所依往來長
安中甘露之變全適在末昌里茶肆值王涯等自中書舍
皇步出至肆中爲禁兵所擒并收先生以丁釘其顙而去
夫生也無得于朝死也弗獲其所世謂詩人少達而多窮
先生則不惟命之窮而且罹奇禍士生不幸未有若斯者
矣昌黎寄全詩曰先生事業不可量惟用法律自繩已春
秋五傳束高閣抱遺經究終始今先生春秋之學舉世
莫見其書但欲詩百篇鑲板已行于世宋慶曆中有韓
愈者爲之序稱其爲體峭拔展放脫畧拘維特立羣品之外

而忠憤感切乘正嫉惡見于元和月蝕一詩尤其大節之
昭顯者爾

贊曰悲哉先生忠孝天植託于空言胸有寸刃志殊慕奸
未試一割衆訪集焉窮且老矣老不自逸乃來京師故交
淪沒羣醜張颺罹此慘凶上天同知悲哉先生詩骨厥塚
奚土先生詩濤溷淵萬古誰司玄論奇與莫吐伊我魯愚
敢觀其尸匪測幽深胥慚茲腐

玉川先生詩目

卷一

月飲詩

卷二

哭玉碑子

觀放魚歌

示添丁

寄男抱孫

自詠三首

送王儲詹事西遊獻兵書

送邵兵曹歸江南

寄外兄魏澈

喜逢鄭三遊山

卓女怨

守歲二首

新月

解悶

揚子津

人日立春

送尉遲羽之歸宣州

悲新年

憶酒寄劉侍郎

白鷺鷥

風中琴

感秋別怨

新蟬

題褚遂良孫庭竹

訪舍職上人

客淮南病

村醉

蕭宅二三子贈答詩二十首

卷三

龜銘

鶴銘

栢銘

小婦吟

月下寄徐希仁

贈徐希仁石硯別

有所思

樓上女兒曲

秋夢行

自君之出矣

走筆謝孟諫議寄新茶

冬行三首

常州孟諫議座上聞韓員外職方貶岡子博士有感

五首

夏夜聞蚯蚓吟

揚州送伯齡過江

憶金鸞山沈山人二首

寄蕭二十三處中

贈金鷄山人沈師魯

卷四

歎昨日三首

月蝕詩

直鈎吟

與馬異結交

感古四首

雜興

酬徐公以新文見招

門銘

孟夫子生生亭賦

卷五

走筆追王內丘

思君吟

將歸山招米僧

謝順公雪中見寄

苦雪寄退之

寄財舍職上人

聽蕭君姬人彈琴

靖蜒歌

三ノチ
出山作

寄崔柳州

贈稚孫師

送好約法師歸江南

蕭二十三赴歙州別期二首

掩關銘

逢病軍人

山中

除夜二首

月詩

玉川子詩集卷一

仁和孫之祿晴川註

月蝕詩

禮姘義曰婦厥不修陰事不得謁見於天月爲之食
故月蝕則后素服而脩六宮之職蒞天下之陰事史
記月行中道安寧和平陰間多水陰事外北三尺陰
星北三尺太陰大水兵陽間騷恣陽星多暴獄太陽
大旱喪也角天門十月爲四月十一月爲五月十二
月爲六月水發近三尺遠五尺犯四輔輔臣誅行南
北河以陰陽言旱水兵喪月蝕歲星其宿地倏若亾

熒惑也亂填星也下犯上太白也盛國以戰敗辰星也女亂食大角主命者惡之心則爲內賊亂也列星其宿地憂月食始日五月者六六月者五五月復六六月者一而五月者五凡百一十三月而復始故月蝕常也日蝕爲不滅也甲乙四海之外日月不占丙子江淮海岱也戊己中州河濟也庚辛華山以西壬癸恒山以北日蝕國君月蝕將相當之觀象玩占日月蝕盡君有殃食不盡臣當之月蝕以旦相及太子當之月已食而青色爲憂赤爲兵黃土工白喪黑水月蝕而赤有反臣月初生蝕將敗於野月春蝕東方

夏蝕南方秋蝕西方冬蝕北方皆爲其方兵起正月
月蝕有災旱齊國惡米貴二月月蝕貴人病魯國惡
六畜貴三月月蝕楚國惡絲綿貴四月月蝕民飢流
亡五月月蝕旱梁國惡六畜貴六月月蝕旱沛國惡
六畜貴七月月蝕兵起陳國惡絲綿貴八月月蝕兵
起鄭國惡魚鹽貴九月月蝕兵起韓國惡十月月蝕
兵起魏國惡十一月月蝕女主凶喪趙國燕國弱惡
十二月月蝕有大水秦國惡

新天子卽位五年歲次庚寅牛柄柳子律調黃鍾森森萬
木夜殫立寒氣始一作頽無風爛銀盤從海底出出來

照我草屋東天色紺滑凝不流水光交貫寒臄臄初疑白
蓮花浮出龍王宮八月十五夜此並不可雙此時怪事發
有物吞食來輪中輪如壯士斧斫壞桂似雪山風拉摧百
鍊鏡照見膽平地埋寒灰火龍珠飛出腦卻入蚌蛤胎捉
環破壁眼看盡當天一搭如煤焰磨滅跡刻火間便似
萬古不可開不料至神物有此大狼狽星如撒沙出爭頭
事光大奴婢炷一本有暗字燈看掛烏賦莫如玳瑁今夜吐燄
如長虹一作長如虹孔隙千道射戶外

憲宗元和五年庚寅歲也呂氏春秋仲冬之月日在
斗夏之十一月斗北方宿吳之分野是月日躔此宿

史記北斗七星所謂璇璣玉衡以齊七政杓樞龍角
衡殷南斗魁枕參首川昏建者杓杓自華以西南夜
半建者衡衡殷中州河濟之間平旦建者魁魁海岱
以東北也斗爲帝車運於中央臨制四鄉分陰陽建
四時均五行移節度定諸紀皆繫於斗孟康曰杓斗
柄也北斗七星魁四星爲璇璣杓三星爲玉衡魁
子斗柄東指天下皆春斗柄南指天下皆夏斗柄西
指天下皆秋斗柄北指天下皆冬黃鐘者子律長九
寸陽律也竹管音與黃鐘和也陽氣聚於下陰氣盛
於上黃物黃萌聚於黃泉之下故曰黃鐘也淮南子

斗指子則冬至音比黃鍾夫子者茲也黃鍾者鍾已
黃也天地三月而爲一時以三參物三三如九故黃
鍾之律九寸而宮音調因而九之九九八十一故黃
鍾之數立焉黃者土德之色鍾者氣之所種也日冬
至德氣爲土土色黃故曰黃鍾律之數六分爲雌雄
故曰十二鍾以剛十二月十二各以三成故置一而
十一三之爲積分十七萬七千一百四十七黃鍾大
數立焉凡十二律黃鍾爲宮太簇爲商姑洗爲角林
鍾爲徵南呂爲羽物以三成音以五立三與五如八
故音以八生黃鍾爲宮宮者音之君也黃鍾位乎其

數八十一主十一月下生林鍾林鍾之數五十四主
六月上生太簇太簇之數七十二主正月下生南呂
南呂之數四十八主八月上生姑洗姑洗之數六十
四主三月下生應鍾應鍾之數四十二主十月上生
蕤賓蕤賓之數五十七主五月上生大呂大呂之數
七十六主十二月下生夷則夷則之數五十一主七
月上生夾鍾夾鍾之數六十八主二月下生無射無
射之數四十五主九月上生仲呂仲呂之數六十主
四月極不生前漢志曰太極元氣函三爲一極中也
元始也行於十二辰始動於子參之於丑得三又參

之於寅得九又參之於卯得二十七又參之於辰得
八十一又參之於巳得二百四十三又參之於午得
七百二十九又參之於未得二千一百八十七又參
之於申得六千五百六十一又參之於酉得萬九千
六百八十三又參之於戌得五萬九千四十九又參
之於亥得十七萬七千一百四十七此陰陽合德氣
鍾於子化生萬物者也故以成之數付該之積如法
爲一寸則黃鍾之長也參分損一下生林鍾參分林
鍾益一上生太簇參分太簇損一下生南呂參分南
呂益一上生姑洗參分姑洗損一下生應鍾參分應

鍾益一上生蕤賓參分蕤賓損一下生大呂參分大
呂益一上生夷則參分夷則損一下生夾鍾參分夾
鍾益一上生無射參分無射損一下生仲呂陰陽相
生自黃鍾始而左旋八八爲伍張公曰黃鍾長九寸
以二乘九得十八以三除之得林鍾六寸其法率如
此蔡邕曰凡陽生陰曰下陰生陽曰上也孟康曰得
一寸則所謂得九寸也言一者張法辭從子數辰至
未得八下生林鍾數未至寅得八上生太簇律上下
相生皆以此爲率森森衆木至冬而凋落殞立巔貞
用力貌言寒氣壯猛過人唐詩紀事作曩曩三日爲

吳壯大也韓詩月形如白盤平叔云三日與生霞戶
開黑銀炷出白銀來起世經云月天宮殿純以天銀
天青琉璃而相間錯二分天銀一分天青琉璃亦爲
五風攝持而行陶潛詩曖曖達人村草屋八九間臙
臙月欲明貌潘岳秋興賦月臉脫以含光兮露淒清
以凝冷孔雀經有白蓮華龍王度人經月華含蓮十
龍飛車提要錄八月十五爲月夕韓云十四日三更
中全謂此並八月十五夜月無此皎潔也此時怪事
發事反常爲怪此時指今月十四夜也輪中月輪也
波羅蜜多經譬如月輪有滿未滿月性無異佛誠云

修羅修羅汝莫不月月能破暗能除衆熱維摩經曰
食月之物名阿修羅也月中有桂樹高五百丈下有
一人常砍之樹創隨合梁元帝詩月中有桂樹流景
自徘徊京房曰月似鏡體西京雜記高祖入咸陽見
秦庫有大鏡廣四尺高五尺九寸表裏有明始皇帝
以照宮人膽張心動者則殺之釋名晦灰也火死爲
灰月光盡似之也古師語錄如寒灰死火翻譯名義
曰摩尼或云踰摩正曰末尼卽珠之總名也有人言
此寶珠從龍王腦中出人得此珠毒不能害入火不
燒玄冥玉篇云九龍驂首吐火珠大智度論其珠出

魚腹中竹中蛇腦中龍珠出龍腦中漢書隨侯之珠
藏於蚌蛤珠爲蚌所懷故曰胎說文灰臭煤也火烟
所生也王安石詩煤炰著天無寸空此時月無光采
猶環抱壁破昏若煤炰之黑暗然張正見詩分簾疑
破壁抱環一作摧輪一作摧環神異經狽無前足附
狽而行文選亦狽狽而可悠星如撒沙出者月黑星
繁與月爭光明王粲觀月詩直到天明不吐姪玳瑁
龜身似龜首尾如鸚鵡甲有文揜莫不明也爾雅
蟪蛄虹也蜺爲蜚貳介曰爲蔽雲韓詩油燈不照席
是夕吐烟如長虹凡月使而有氣從外入月中主人

不利從中山外客不利氣從南行南軍不利北行北
軍不利東西亦如之氣所之之方敗也孔隙干道者
月食既盡餘光外射

玉川子涕泗下中庭獨自行念此日月者太陰太陽精皇
天要識物日月乃化生走天汲汲勞四體與天作眼行光
明此眼不自保天公行道何由行吾見陰陽家有說望日
蝕月月光滅朔月掩日日光缺兩眼不相攻此說吾不容
日者太陽之精月者太陰之精走天汲汲行迅疾也
日有中道月有九行中道者黃道一曰光道光道北
至東井去北極近南至牽牛去北極遠東至角西至

裏去極中夏至至於東井北近極故晷短立八尺之表而晷景長尺五寸八分冬至至於牽牛遠極故晷景長立八尺之表而晷景長丈三尺一寸四分春秋分日至晝角去極中而晷中立八尺之表而晷景長七尺三寸六分此日去極遠近之差晷景長短之制也去極遠近難知要以晷景者所以知日之南北也日陽也陽用事則日進而北晝進而長陽勝故爲溫暑陰用事則日退而南晝退而短陰勝故爲寒涼也故日進爲暑退爲寒若日之南北失節晷過而長爲常寒退而短爲常煥此寒煥之表也故曰爲寒暑

一曰斜長爲潦短爲旱者爲扶扶者邪臣進而正臣
疏君子不足數人有餘月有九行者黑道二出黃道
北赤道二出黃道南白道二出黃道西青道二出黃
道東立春春分月東從青道立秋秋分西從白道立
冬冬至北從黑道立夏夏至南從赤道然用之一決
易中道青赤出陽道白黑出陰道若月失節度而妄
行出陽道則旱風出陰道則陰雨凡君行急則日行
疾若行緩則日行遲日行不可指而知也故以二至
二分之星爲候日東行星西轉冬至昏奎八度中夏
至氏十三度中春分拂一度中秋分牽牛三度七分

中此其正行也日行疾則星西轉疾事孰然也故過
中則疾君行急之感也不及中則遲君行緩之象也
至月行則以晦朔決之日冬則南夏則北冬至於牽
牛夏至于東井日之所行爲中道月五星皆隨之也
天中記月行一日一夜行二萬六千里月照四十五
萬里韓詩念此日月者爲天之眼睛南匈奴傳棄笈
天公獎書天下太平日不蝕朔月不蝕望頗延年譙
曲水詩曰日完其朔月不掩望鬼料竅曰由北至南
而縱分之謂之度山東至西而橫裁之謂之道合朔
之時縱雖同度橫不同道若橫亦同道則月掩日而

日食矣對望之時橫雖對道從不對度若從亦對度
日奪月光則日射月而月食矣二十九日半有奇而
與日同度謂之朔十四日九時有奇而與日對度謂
之望新唐書志月有三大三小則日蝕常在朔月蝕
常在望容齋隨筆曰曆家論日月食自漢初以來始
定日食不在朔則在晦月食則有十四十五十六之
差蓋置望參錯也天體有二交道口交初曰交中交
初者星家以爲難曉交中者計都也隱暗不可見於
是爲入交法以求之然不過能求朔望耳若餘日入
交則書所不載山漢及唐二十八家暨本朝十一曆

皆然姑以慶元丁巳歲五次月食考之二月望爲入
交中七月爲交初惟十月二十日二十一日連兩夜
乃以二更盡月食之既纔兩刻復明十一月十八夜
復如之按此三食皆是交中十月二十夜月在張五
度而計都在翼二度次夜月在張十七度計都未動
相距幾四度耳十一月十八夜月在星五度計都在
張十九度相距二十度十二月十七夜五更月在星
二度入交陽末卯初四刻交甚食六分半八刻退交
十八夜四更月在張六度入交中陰初至寅四刻交
甚食九分卯五刻退交其驗如此予竊又有疑焉太

陰一月一周天必兩值交道今年遂至八食一一如
星官曆翁之說仍不拘月望則玉川子之詩不勝作
矣當更求其旨趣云

又孔子師老子云五色令人目盲吾恐天似人好色則作一
喪明幸且非春時萬物不嬌榮青山破瓦色渌水水崢
嶸花枯無女艷鳥死沉歌聲頑冬何所好偏使一目盲

家語孔子曰吾聞老聃博古知今通禮樂之原明道
德之歸則吾師也弘明集子貢云夫子何常師之有
乎堯事尹壽彝事務成且學呂望丘學老聃二教論
孔子問禮於老聃則師資之義存矣呂氏春秋私視

使目盲前京錄老聃父名乾字元杲胎則無耳一目
不明年七十二無妻與鄰人益壽氏老女野合懷胎
十年乃生老子山以春青冬則草木黃落望之有似
破瓦色月令仲冬冰益壯地始坼女詭女魘也庾信
詩鳥鵲歌來于時黃鳥沉淵無復歌聲也神滅論一
日病卽視神毀二目應俱盲矣

又

一作傳

聞古老說蝮蟻蟻精徑圓千里入汝腹如此癡

騷

一作發

阿誰一作何生可從游竊來便解絲青冥

水經澧水注云古老傳言龜策傳月爲刑而相佐見
食於蝦蟇淮說林月照天下蝕於唐諸五經通義曰

月中有兔與蟾蜍月陰也蟾蜍陽也而與兔並明陰
係於陽也春秋元命苞曰月之爲言闕也而設以蟾
蜍與兔者陰陽雙居明陽之制陰陰之倚陽河圖曰
蟾蜍去月天下大亂白虎通曰月徑千里徐整長曆
曰月徑千里周圍三千里下於地七千里韓詩何處
養女百醜彤玉皇經曰緣於兔角梯至天能食月終
攀附也靈憲曰羿請不死之藥於西王母姮娥竊之
以奔月將往枚筮之於有黃有黃筮之曰吉翩翩歸
妹獨將西行逢天晦芒毋驚毋恐後其大昌姮娥遂
託身於月是爲蟾蜍楚辭據青冥而攬虹兮通雅裴

松之曰毛嘉里駭卽癡駭也麗統傳阿離爲失

恐是睚眦間指

一作拏

拏所化成黃帝有二目帝舜重瞳明

二帝懸四目四海生光輝吾不遇二帝汎汎不可知何故
瞳子上坐使羣豸欺長嗟白鬼搗靈藥恰是有意防姦非
藥成滿臼不中度委任白鬼夫何爲

睚目睚也眦桴接也桴於目匡相接也師古曰眦目
旁毛也韓詩黃帝有四目帝王世紀黃帝舉風后力
牧常先大鴻分掌四方各如己視故號四目此云二
目也淮南子舜二瞳子是謂重明牟子曰舜目重瞳
十二帝黃帝舜也汎水深廣貌汎不明貌爾雅有足

謂之蟲無足謂之豸兔者月之精玉衡星散而爲兔
西域記婆羅痾斯國有三獸塔劫初有狐兔狼與類
相悅時天帝釋化一老夫詣三獸求食於是狐啣齧
狼採果俱來唯兔空還自傷卑劣乃投火充餐時老
夫收取焦兔傷歎謂狐狼曰吾感其心不泯其迹寄
之月輪傳乎後世咸言月中之兔自斯而有傳咸擬
天問曰月中何有玉兔搗藥與霜降社宋書樂志白
兔長跪搗藥蝦蟇丸

億昔堯爲天十日燒九州金燼水銀流玉烟

一作燄

丹砂

焦六合烘爲寄

一作蜜

堯心增百憂天

一作

見堯心憂勃

然各怒決洪流立擬沃殺九日妖天高日走沃不及但見

萬國赤子放哉

一作萬國

生魚頭此時九御導九日爭持節幡

揮幢旋駕車六九五十四頭蛟螭蚪

見

掣電九火駟汝若

蝕開離離

一作離離

輪銜轡執索相爬鉤推蕩蠱渴

一作蝕

入汝

喉紅鱗俠烏燒口快翎鼠倒側聲酸鄒撐腸挂肚礪礪

一作

塊如山丘自可飽死更不偷不獨填侃坑亦解堯心憂恨

汝時當食堯

一作藏

頭猷腐不肯食不當食張屠豕嚼食不

休食天之眼養逆命安得上

一作天

帝請汝剗

孟荀列傳儒者所謂中國者於天下乃八十一分居

其一分耳中國名曰赤縣神州赤縣神州內自有九

州禹之序九州是也不得爲州數中國外如赤縣神州者九乃所謂九州也於是有裨海環之人民禽獸莫能相通者如一區中者乃爲一州如此者九乃有大瀛海環其外天地之際焉說文昔堯遭洪水民居水中高土故曰九州江淹遂古篇十日並出堯之間兮羿迺斃日事豈然兮淮南子堯時十日並出草木焦枯堯命羿仰射十日中其九鳥皆死墮羽翼轉詩九輪照燭乾坤早九輪謂九日也山海經大荒之中湯谷上有扶桑木十日所浴九日居下枝一日居上枝皆載焉招魂曰十日並出流金鑠石莊子大旱金

石流土山焦而不熟小荀子曰冶金而流去火則剛
燭盛光也貨殖傳南則巴蜀丹砂燃火所傷也天地
四方曰六合竈同竈廣韻燒无無也魏書觀象賦注
堯遭大水填星逆行入水府戢戢多貌韓詩堯呼大
水浸十日不惜萬國赤子魚頭生金剛三昧經云以
沃燠山大海不增山海經堯使羿射九日落爲沃燠
沃燠在碧海之東一石方四萬里萬流沃之至石
皆竭所以大海水不增長度人經上真執九色之袍
飾下（把十絕之靈樞赤幢蔽日瑠輪碾空幢施之
車蓋（燄旗旒也淮南子爰止幾和爰息六靖是謂懸

車注云日乘車駕以六龍羲和御之日至此而薄於
虞泉羲和至此而迴六螭春秋命曆序曰皇伯登出
扶桑日之陽駕六龍以上下按御以六龍故云六九
五十四也螭亦龍也母龍曰蛟子曰蚪雷霆玉經有
掣電蟲雷使者掣引而縱也火駟者日外景而熱火
精也車轅曰駟齟齬齒不相值也一作齟齬齒參差
不正貌太斧琅玕匡釋明霞上迴風迅瓊輪日有御
故言轡三洞神咒云腰纏龍索綯大者謂之索馮紀
事作駟螭雖聲饒鳥或日中三足鳥所謂火晶飛鳥
鳳翥龍麟醴節字未詳文同思歸鳥詩峽中足啼鳥

酸酈不可會礪礪石相轉也嶽當作猱猱屬一指按
膚也哆嚙呿口漢書王莽爲人哆口韓詩赤龍黑鳥
燒口熱又云翎鬣側側相搪揅婪酣大肚遭一飽飢
腸微死無由鳴女於此時若食日雖食八九無噉名
蓋設言當食九日之妖不當食天之眼自養逆命耳
任子曰日月天下眼目而人不知德大丹隱書日月
天之眼抱朴子日月之使乃至於盡天何爲當故壞
其眼目以行譴人乎劉毅也韓詩後時食月罪當死
嗚呼人養虎被虎齧天媚糞被糞瞎一作天昏暮得瞎疾
最糞敢將天眼瞎
乃知恩非類一一自作孽吾見患眼人必索良工訣訣實
作快

想天不與人愛眼周應一安得常娥氏來習扁鵲經手抹
春喉戈去此睛上物初既一作初猶膝履既久如一作如抹漆
但恐功業成便此不吐山

劉猛詩不惜補明月慙無此良工穀梁傳吐者外壤
食者內壤注曰凡所吐出者其壤在外所吞明者壤
入於內也漢志黃帝使常儀占月周官注云儀俄二
字古皆音娥登真隱訣曰上真之道七鬱儀奔日文
爲最結鄰奔月文爲次鬱儀者凝和也結鄰者常娥
也歷世真仙通鑑云黃帝與扁鵲論脉法授素書上
下經史記扁鵲者渤海郡鄭人也姓秦氏名越人少

時爲人舍長舍客長桑君過扁鵲常謹遇之因悉得
其禁方以此視病盡見五臟癥結爲醫或在齊或在
趙在趙者名扁鵲憲宗任用吐突承瓚卒爲內常侍
陳弘志所弑所謂養虎爲患自作孽也當時習扁鵲術
者誰與有裴度惟群目爲朋黨極諫而不聽范祖禹
曰憲宗伐叛討逆盪平河南唐室威令赫然復張而
變生於左右近習身陷大禍由任相非其人也

王川子又涕泗下心禱再拜額損一作沙土中地上蟻虱

臣全告訴帝天皇臣心有鐵一寸可剗妖姦疑腸皇天一作

上不爲臣立梯級臣血肉身無由飛上天揚天光封詞付

與小心風殿

一作先封詞付與赤心風殿一作趙

排闥闥入紫宮密邇玉几

前勞拆奏上臣全頑愚冒敢死橫干天甚長

劉駕唐樂府序云下土土貢臣蠕蠕泥土中項羽本
紀搏牛之豷不可以破螻蝻螻蝻臣草茅微賤稱東
坡詩曰玉川狂直古道民救川裁詩語最真千里妖
墓一寸錢地下空愁螻蝻臣玉皇經設使兔生角堪
用爲梯磴韓詩無梯可上天天階無由有臣躐寄賤
東南風天門西北新風通丁寧附耳莫漏洩薄命正
值飛廉備殿廣嶺疾風也淮南子排闥闥鑰天門注
云排斥鑰入也闥闥始升天之門也天門上帝所居

紫微宮門天官書中宮天極星其一明者太一常居
也旁三星三公或日子屬後句四星末大星正妃餘
三星後宮之屬也環之匡衛十二星藩臣皆曰紫宮
其元經恩黃龍之玉儿又道家章奏多言玉儿下有
正奏門奏名上帝奏章式唐詩紀事云敗死橫于天
代天謀其長

東方蒼龍角插戟尾捭風常心開明堂統領三百六十
鱗坐治一作理東方官月蝕不救援安用東方龍

角兩星南北正直若插戟然尾九星如鈞爲蒼龍尾
箕曰天雞主八風天官書東宮蒼龍房心心爲明堂

大星天王前後星于屬不欲直直則天王失計房爲
府曰天駟其陰右驂旁有兩星曰於北一星曰牽東
北曲十二星曰旗旗中四星曰天市中六星曰市樓
市中星衆者實其虛則耗房南衆星曰騎官左角李
右角將大角者天王帝廷其兩旁各有三星鼎足句
之曰攝提攝提者直斗杓所指以建時節故曰攝提
格亢爲疏廟主疾其南北兩大星曰南門氐爲天根
主疫尾爲九子曰君臣斥絕不和箕爲敖客曰口舌
火犯守角則有戰房心王者惡之也春秋說題辭云
房心爲明堂天王布政之官天支秘畧東方七宿具

形如龍故曰蒼龍石氏云東宮青帝其精蒼龍爲七
宿其象有角有亢有氏有房有心有尾有箕氏胃房
腹箕所義也司春司木司東獄司東方司鱗蟲三百
有六十蒼龍爲之長韓詩東方青色龍牙角何呀呀
從官百餘座嚙喉煩官家月蝕汝不知安用爲龍窟
南方火鳥赤潑血項長尾短飛跋刺頭戴弁冠高達併一作
作竟弁一作月蝕鳥官十二一作度鳥爲居停主人不覺
察食向何人家行赤口辨舌辨蟲頭上喫却月不啄殺虛
貳鬼服赤一作突音齋音鳥罪不可雪

通雅云中國未見之星如海石火鳥金魚小斗日滿

刺加星者滿刺加國始見也又云跋刺卽撥刺竹言
其聲杜子美詩跳魚撥刺鳴李詩跋刺銀盤欲飛去
野客叢書曰李以撥爲跋撥刺者劉烈震激之聲箭
鳴亦然此則云鳥飛也唐詩紀事作跋蹇廣韻行兒
弁冠者後漢志爵弁如爵形前小後大繪其上似爵
頭色築作非冠達枋高兒第舍相假謂之居停息夫
躬傳未有第宅皆居丘亭朱雀主口舌方術家謂紅
嘴朱雀常以逐月建位上順行十二位遇辰戌名曰
赤口辰爲天羅戌爲地網主口舌毒害若值蛇虎犬
雞四非尤所忌也矣穿也密空觀南宮朱雀權衡衡

太微三光之廷臣衛十二星藩臣西將東相南四星
執法中端門左右掖門門內六星諸侯其內五星五
帝坐後紫一十五星蔚然曰即位傍一大星將位也
月五星順入軌道司其出所守天子所誅也其逆入
若不軌道以所犯命之中坐成形皆羣下從謀也金
火尤甚廷藩西有附星五曰少微士大夫權軒轅軒
轅黃龍體前大星女主象旁小星御者後宮屬月五
星守犯者如衝占東井爲水事其西曲星曰鉞鉞北
北河南南河兩河天關間爲關梁與鬼鬼祠事申白
者爲賢火守南北河兵起殺不登故德成衝觀成漢

傷成鉞禍成井誅成質柳爲鳥注主水草七星類爲
員官主急事張素爲尉主屬客翼爲羽輔主遠客軫
爲車主風其旁有一小星曰長沙星星不欲明明與
四星等若五星入軫星中兵大起軫南衆星曰天庫
樓庫有五車車星角若益衆及不具無處車馬天文
秘畧曰南方七宿其形如鵠故曰朱鳥石氏云南宮
赤帝其精朱鳥爲七宿井首鬼目柳喙星頸張喙翼
關軫尾司夏司火司南獄司南海司南方司羽蟲三
百有六十類占日月食左角天下道斷食亢君憂食
氏內亂食房主昏亂橫臣橫食心兵喪並起食尾主

飢食其爲水旱風飢車騎滿野食南斗其分國飢大水兵食牽牛有兵食須女爲兵旱國有憂食室婁歲飢食胃將亡亦爲飢食昴爲飢邊兵起將死北地叛貞觀二十一年月食昴詔日月陰精用刑兆也是年破焉耆食畢趙分有兵食背觸爲旱大將憂有叛主者食參爲兵臣下有謀其分大飢外兵大將死食井有內亂五穀不登其分有兵食七星歲飢民流其國更政食張大湧魚行人道其分飢食翼王者殃忠臣誅北方有兵食軫貴臣死月食烏宮十二度者謂食柳也柳謂之味鳥口也正在南方爲火之次曆書曆

志月在陰曆初起東南甚於正南復於西南韓詩天
河赤鳥司南方尾禿翅鰭沙月使於汝頭汝口開呀
呀蝦蟇掠汝兩吻過忍學省事不以汝背啄蝦蟇六
書故喫食也古言食今言喫

西方攫虎立犄犄

音几一作踦

斧為牙鑿為齒倫犧牲食封豕

大藝一爵四當軟美見似不見是何道理爪牙根天不念
天天若准擬錯准擬

天官書西宮咸池曰天五潢五潢五帝車舍火入旱
金兵水水中有三柱柱不具兵起奎曰封豕為溝瀆
婁為聚眾胃為天介其南眾星曰磨積昴曰髦頭胡

星也爲白彗會畢曰罕車爲邊兵主弋獵其大星旁
小星爲附耳附耳搖動有譏亂臣在側鼎罕間爲天
銜其陰陰闕陽陽國參爲白虎三星直者是爲衡石
下有三星兌曰罰爲斬艾事其外四星左右肩股也
小三星 置曰觜觿爲虎首主葆旅事其南有四星
曰天厠厠下一星曰天矢矢黃則吉青白然凶其西
有句曲九星三處羅一曰天旗二曰天苑三曰九游
其東有大星曰狼狼角變色多盜賊下有四星曰弧
直狼狼北地有大星曰南極老人老人見治安不見
兵起常以秋分時候之於南郊附耳入畢中兵起楊

雉長楊賦繫齒之徒相與摩牙而爭之服虔曰繫齒
長五尺似繫亦食人正義曰奎天之府庫一日天豕
亦曰封豕漢書曰封豨主溝瀆西南大星所謂天豕
日占以明爲吉星不欲闕闕則兵起暗則臣干
命之咎亦不欲闕闕無常常有白衣稱命於山谷者
婁爲苑牧養犧牲以供祭祀天文物畧曰西方七宿
其形如虎故曰白虎石氏曰西方白帝其精白虎爲
七宿奎象白虎婁胃昂虎三子也畢象虎觜參象麟
觜首參身也司秋司金司西獄司西海司西方司毛
蟲三百有六十北史嘗肉一脔設饌中之味通雅云

非疑猶揣度比擬也韓詩於菟蹲於西旗槐衡耗髦
既從白帝祠又食於禮禮有加忍令月被惡物食枉
於汝口插齒牙

北方寒蛇被蛇縛藏頭入殼如入獄蛇筋束緊束被殼寒
蛇夏籠一種味且當臚其肉一底板沒信處

一作且當以
其肉充其死

信處

唯堪支牀脚不中

一作堪

鑽灼與天下卜

一本無
下字

靈憲曰靈蛇匿首於後思玄賦玄武縮於殼中兮腰
蛇蛇而自糾注云蛇與蛇交曰玄武殼甲也清注玄
武與騰蛇俱北方蟲也抱朴子千歲之龜五色具焉
其額上兩骨起似角浮於蓮葉之上或在覆青之下

其上或時有白雲蟠蛇蛇蟠蛇潛蟄則食氣夏恣口而
其瘦冬月蟄而大肥龜策傳南方老人用龜支牀足
行二十餘歲老人死移牀龜尚生不死龜能行氣導
引周禮卜師掌三《龜》之法一曰方兆二曰功兆三
曰環兆四曰巫式凡卜事厭高揚火揚火以作龜致
其龜凡卜辨龜之上下左右陰陽以授命龜者而詔
相之天官書北宮玄武虛危危爲蓋屋虛爲哭泣之
事其南有衆星曰羽林天軍軍西爲衆或曰鉞旁有
一大星爲北落北落若殺亡軍星動角益希及五星
犯北落入軍軍起火金水尤甚火軍憂水水患木土

軍古危東六星兩兩相比北曰司空營室爲清廟曰離
宮開道漢中四星曰天駟旁一星曰王良王良策馬
車騎滿野旁有八星絕漢曰天潢天潢旁江星江星
動人涉水梓曰四星在危南匏瓜有青黑星守之魚
鹽貴南斗爲廟其北建星建星者旗也牽牛爲犧牡
其北河鼓河鼓大星上將左右左右將婺女其北織
女織女天女孫也正義曰比近也危東南兩兩相比者
是司命等星也司空唯一星耳又不在危東恐命字
誤爲空也司命二星在虛北主喪送司祿二星在司
命北主官司危二星在司祿北主危亡司非二星在

危北主德過皆冥司之職古大爲君憂常則吉前漢
書曰危東六星兩兩而北曰司冠天文秘畧曰北方
七宿有地蛇之形故曰玄武石氏云北方黑帝其精
玄武爲七宿斗有地蛇蟠結之象牛蛇象女龜象虛
危室壁皆地蛇蟠結之象司冬司木司北獄司北方
司介蟲三百有六十韓詩烏龜怯姦怕寒縮頸以效
自遠終令夸娥扶女山卜師燒雉鑽灼滿板如星羅
歲星主福德官符奉董恭忍使黔婁生腹尸無衣巾天失
服不弔歲星胡其仁

歲星爲木主殺色青如參左肩六七日行一度一年

過一宮疾則四五日行一度十二歲一週耶鎮傳尚
書洪範記日月行中道移節應期德厚受福重華雷
之重華者謂歲星守心也容齋續筆曰盧仝月蝕詩
府史以謂譏元和逆黨考韓文公效仝所作云元和
庚寅歲十一月是年爲元和五年去憲宗遇害時尚
十載仝云歲星主福德官爵奉董秦說者謂董秦卽
李忠臣嘗爲將相而臣朱泚至於亡身故仝鄙之東
坡以爲當秦之鎮淮西日代宗避吐蕃之難出狩追
諸道兵莫有至者秦方在鞠場趣命治行諸將請擇
日秦曰父母有急難而欲擇日乎卽倍道以進雖末

節不終似非無功而食祿者近世有嚴有翼者著藝苑雕黃謂坡之言非也秦守節不終受泚偽官爲賊居守何功之足云詩譏刺當時故言及此坡乃謂非無功而食祿謬矣有翼之論一何輕發至詆坡公爲非爲謬哉予案是時秦之死二十七年矣何爲而追刺之使全欲譏逆黨則應首及祿山與泚矣竊意元和之世吐突承理用事全以爲嬖倖擢位故川廣賢秦宮輩時之水無傾李忠臣事也新唐書李忠臣本董秦也幽州薊人少爲軍以材力奮屢有功賜今氏名忠臣類直不通書德宗嘗謂卿耳大其貴兆對曰

臣聞噬耳大龍耳小帝喜其野而誠然既失兵悌鬱
不顧藉朱泚反僞署司空兼侍中泚攻奉天以忠臣
居守泚敗繫有司與其子俱斬史記黔婁先生卒履
以布被覆頭則是露覆足則頭露魯西曰斜其被則
殮矣其妻曰斜之有餘不如正之不足藝文志黔婁
子齊隱士守道不諂威王下之漢書歲星曰東方春
木於人五常仁也五事貌也仁虧貌失逆春令傷木
氣謂見歲星歲星所在國不可伐可以伐人起舍而
前爲嬴退舍爲縮嬴其國有兵不復縮其國有受其
將死國頃敗所去失地所之得地一曰常居不居國

亡所之國昌已去之又東西去之國凶不可舉事用
兵安靜中度吉出入不當其次必有天祲見其舍也
歲星贏而東南石氏見彗星甘氏不出三月遁生彗
本類星末類彗長二丈贏東北石氏見覺星甘氏不
出三月遁生天棓本類星末銳長四尺縮西南石氏
見機雲如牛甘氏不出三月遁生天棓左右銳長數
丈縮西北石氏見榆雲如馬甘氏不出三月遁生天
機本類星末銳長數丈石氏榆機棹彗異狀其殃一
也必有破國亂君伏死其事餘殃不盡爲旱凶飢暴
疾至日行一尺出二十餘日遁入甘氏其國凶不可

舉事用兵而易所當之國是受其殃又曰祇星不出三年其下有軍及失地若國君喪觀象玩占日月犯歲星其國必飢晉志曰其分歲飢人流黃帝占曰刑獄煩多盜賊一曰有邊兵一曰其分主死又爲民疫一曰相有凶月乘歲星相死有大戰其野有拔城一曰其分主死月貫木星有流民不出十二年國以飢亡月與歲星同宿其年有疾疫累貴人相食農官受一曰女主凶有大戰月與歲星同光國以飢亡一曰臣強臣弱曰相死國飢三年一曰其國且以女樂亡月食歲星取飢大臣誅一曰邦無主人相食月吞

歲星其國敗亡不出十二年月食歲星而帝女主凶
其國大飢有大賊歲星入月相以妃黨之語去一曰
不出一旬天下有大災粟大貴不出二年天下亡徒
爲亂在野荆川占曰臣秋主歲星食月有大喪女主
死臣爲逆國易王歲星犯月其野有逐相歲星逆行
犯月法令散禮令文嘉曰歲星與月相掩蝕國多災
泣或大臣后妃薨唐書志元和二年二月壬申月掩
歲星占曰大臣死

笑惑雙錄公

一作翁

執法大不中月明無罪過不糾

一作饒

月歲年年十月朝太微支虛論罰何災凶

後漢馬援傳武威將軍劉尚擊武陵五溪蠻夷深入
軍沒援因請行時年六十二帝愍其老未許之援據
鞍顧盼以示可用帝笑曰雙鑠哉是翁也文耀鉞云
赤帝熒惑之神爲熒惑位南方熒惑主旱色赤如心
大星一日如大角五日行三度兩月過一宮遲則二
日行一度二年一周天官占云熒惑方伯錄司察妖
孽索隱曰熒惑謂之執法晉灼云常以十月入太微
受制而出行則宿司無道出入無常徐廣曰熒惑爲
理外則理兵內則理政正義云熒惑之行無常以其
舍命國爲殺賊爲疾爲喪爲亂爲兵環繞勾曲芒角

動搖乍前乍後其殃迤甚焚惑主死喪大鴻臚之象
主甲兵大司馬之義伺驛者亂尊執法官也其精爲
風伯惑童兒歌謠嬉戲也漢書焚惑曰南方夏火禮
也視也禮舂視失逆夏令傷火氣罰見焚惑逆行一
舍二舍爲不祥居之三月國有殃五月受兵七月國
半亡地九月地大半亡因與俱出入困絕嗣焚惑爲
亂爲賊爲疾爲喪爲仇爲兵所居之宿國受殃殃還
至者雖大當小居之久殃乃至者當小反大已去復
還居之若居之而角者若動者繞環之及乍前乍後
乍左乍右殃愈甚一日焚惑出則有大兵入則兵散

周還止息適爲其死喪寇亂在其野者亡地以戰不
勝東行疾則兵聚於東方西行疾則兵聚於西方其
南爲丈夫喪北爲女子喪災惑天子理也故曰雖有
明天子必視災惑所在後漢謝弼傳災惑守亢衆回
不去法有近臣謀亂發於左右史記曰其入守犯太
微軒轅管室主命惡之心爲明堂災惑廟也謹候此
中與天文志五星之變俱足以致殃災惑太白爲甚
而災惑尤甚蓋災惑火也性烈而不常又爲執法之
官司天下過失故其應尤爲亟也觀巢玩占日月行
與火同宿而食天下破亡有憂月犯災惑有亂臣其

國有兵貴人出巫咸曰有兵戰小吏死一日女主爰
荊州占曰戰勝之國大將死一日天下有女主之憂
一曰貴人以兵死國內亂月犯熒惑而暈或食天下
破亡地大半將軍死月吞熒惑國亂兵起有白衣之
聚一曰相及太子當之一曰有內亂帝不終荊州占
曰天下滅亡河圖帝覽始曰其國以兵致飢而以亂
亡月掩熒惑其地大敗月齒熒惑其分國軍破敗月
與熒惑合其宿國主死海中占曰其國不可以有爲
貴人傷有內兵又曰月與火星合光芒相及國有內
亂三年不解太子死月與火同宿而食月在火光北

禾不成在火南果不實在火東天下默默在火西其
分兵飢一日有大戰月與災惑同光有叛臣內亂且
飢災惑食月譏臣貴後宮有女害主者又曰國敗災
惑犯月有亂臣一日諸侯有謀者災惑八月髮在宮
中有盜賊一日有亂臣在君側相死黃帝占曰有兵
喪海中占曰以戰不勝荊州占曰臣叛主一日其分
兵且旱不出五月一日女賊爲政天下亂逆行則其
災大災惑觸月上角相髮中央主憂下角將憂災惑
觸月陰國亂其國貴人兵死國不可伐其國不出五
年亡支計也盧頭盧也謂計盧誅罰何所鉏也困學

紀聞云火爲罰星不罰有德

土星與土性相背反養福德生禍害到人頭上死破敗今夜月蝕安可會

鎮星主土色黃如參右肩八九日行一度二十七箇月過一宮二十八年一周填星福德星也蝦蟇赤土屬元始无量度人經云五土之氣爲帝主福故四十五年而遷其室居北者九年而遷居西南者十八年而遷居東者二十七年而遷居東南者三十六年而遷居西者六十三年而遷居東北者七十二年而遷居南者八十一年而遷還不背逆下無臨制上無刑

三十一
剋則災害不生日享太平或履非其位過非其時上
下不相得則隨宮爲孽其災皆亦繫道德之所致也
漢書填星曰中央季夏土信也思心也仁義禮智以
信爲主貌言視聽以心爲正故四星皆失填星遁爲
之動填星所居國吉未當居而居之若已去而復還
居之國得土不乃得女子當居不居旣已居之又東
西去之國失土不乃失女不有土事若女之憂居宿
久國福厚易福薄當居不居爲失填其下國可伐得
者不可伐其祿爲王不寧縮有軍不復一日旣已居
之又東西去之其國凶不可舉事用兵失次而上一

舍三舍有正命不成不乃大水失次而下二舍有后
感其歲不復不乃天裂若地動凡五星歲與填合則
爲內亂與辰合則爲變謀而更事與熒惑合則爲飢
爲旱與太白合則爲白衣之會爲水太白在南歲在
北名曰北牡年設大熱太白在北歲在南年或有或
亡熒惑與太白合則爲喪不可舉事用兵與填合則
爲憂主孽卿與辰合則爲北軍用兵舉事大敗填與
辰合則將有覆軍下師與太白合則爲疾爲內兵辰
與太白合則爲變謀爲兵憂凡歲熒惑填太白四星
與辰關皆爲戰兵不在外皆爲內亂一曰火與水合

爲津與金合爲鏡不可舉事用兵土與金合國亡地
與木合則國飢與木合爲雍沮不可舉事用兵木與
金合國國有內亂同舍爲合相陵爲闕二星相近者
其殃大二星相遠者殃無傷也從七寸以內必之凡
月食五星其國皆亡歲以飢焚惑以亂填以殺太白
彊國以戰辰以女亂月食大角王者惡之凡五星所
聚宿其國王天下從歲以義從焚惑以禮從填以重
從太白以兵從辰以法以法者以法致天下也三星
若合是謂驚立絕行其國外內有兵與喪民人乏飢
改立王公四星若合是謂大湯其國兵喪並起君子

憂小人流五星若合是謂易行有德受慶改立王者
撫有四方子孫蕃昌亡德受罰離其國家滅其宗廟
百姓離去被滿四方五星皆大其事亦大皆小其事
亦小也凡五星色皆罔白爲喪爲旱赤中不平爲兵
青爲憂爲水黑爲疾爲多死黃吉皆角赤犯我城黃
地之爭白哭泣之聲青有兵憂黑水五星同色天下
戾兵百姓安寧歌舞以行不見災疾五穀蕃昌觀象
玩占日月犯填星女主喪敗一日有黜后一日爲亡
地不出十二年國以飢亡一日天下大喪一日其國
貴人死以兵天下大亂一日先舉者敗天下有大風

之灾月食填星其地民流人亡女主憂又曰爲兵飢
爲喪一日其國以亂亡一日以殺而亡天官書曰下
犯上又曰民流千里一日國以女亂而亡月乘土星
地動不則大喪月與土合其下國飢月與填星同光
以其日月食且有以移徙亡者若星動搖其下亡地
填星入月中臣賊主一日不出四十日有土工事乙
巳占曰貴人絕無後一日女主死填星食月有喪女
主亡填星入貫月國內亂不出五年亡唐書志元和
三年三月乙未鎮星蝕月在辰占曰其地主死

太白其將軍怒激鋒鏖生恒州陣斬鄴定進項骨腕甚春

夏青天唯兩眼失一眼將軍何處行天兵

天官占云太白者西方金之精白帝之子主公大將軍之象也色白如狼一曰如五車大星而有光也主兵一曰行一度一月過一宮一年一小周九年一大周正義曰太白五芒山早爲月蝕晚爲天矢及彗其精散爲天柞天榘伏靈大敗司姦天狗賊星天殘卒起星是古曆星若竹孛彗星彗星白彗皆以示變也恒州唐詩紀事作常州以爲州與太宗御名同按穆宗初名宥後改名恒非太宗也舊唐書志鎮州秦東垣縣漢高改名真定置恒山郡又爲真定國歷代爲

常山郡治元氏後魏道武登常山郡北望安樂壘美
之遂移郡治于安樂城今州城是也周隋改爲恒州
後廢義旗初復置恒州領真定石邑行唐九門滋陽
五縣州治石邑武德元年陷竇建德四年賊平徙治
所於真定省滋陽縣又割廉州之藁城來屬天寶元
年改爲常山郡乾元元年復爲恒州興元元年升爲
都督府元和十五年改爲鎮州退之送石處士詩鉅
鹿師欲老常山險猶是蓋指吐突承璀兵出無功送
故王承宗新唐書本紀憲宗四年十月辛巳成德軍
節度使王承宗反癸未左神策軍護軍中尉吐突承

璿爲左右神策河陽浙西宣歙鎮州行營兵馬招討處置使以討之戊子承璿爲鎮州招討宣慰使五年正月己巳左神策軍大將軍鄭定進及王承宗戰死之承宗傳云承璿至軍無威畧師不振神策大將鄭定進號驍將前以擒劉闢功王陽山郡至是戰北馳而偵趙人曰鄭王也害之師氣益折蔓青根長而白霜後特脫美憤定進陣亡項骨如蔓青之柔脆也漢書太白日西方秋金義也言也義勝言失逆秋令傷金氣則見太白日方南太白居其南日方北太位居其北爲歲侯王不寧用兵進吉退凶日方南太位居

其北日方北太白居其南爲縮侯王有憂用兵退吉
進凶當出不出當入不入爲失舍不有破軍必有死
王之基有亡國一日天下匿兵埜有兵者所當之國
大凶當出不出未當入而入天下匿兵在外入未
當出而山當入而不入天下起兵有至破國未當出
而出未當入而入天下舉兵所當之國亡當期而出
其國昌出東爲東方入爲北方出西爲西方入爲南
方所居久其國利易其鄉凶入七日復出將軍戰死
入十日復出相死之人又復出人君惡之已出三日
而復殺入三日通復盛出是爲夷而伏其下國有軍

其衆敗將北已入三日又復徵出三日迺復盛入其
下國有憂帥師雖衆敢食其糧用其兵虜其帥出西
方失其行夷狄敗出東方失其行中國敗一曰出蚤
爲月食脫爲天祲及彗星將發于無道之國太白出
而雷桑榆間病其下國上而疾未盡期日過參天病
其對國太白經天天下革民更王是爲亂紀人民流
亡晝見與日爭明強國弱小國強女主昌太白兵象
也出而高川兵淡吉淺凶坤淺吉洩凶行疾用兵疾
吉遇凶行遲用兵遇吉疾凶角敢戰吉不敢戰凶擊
角所指吉逆之凶進退左右用兵進退左右吉靜凶

國以靜川兵靜吉趨凶出則兵出入則兵入象太白
吉反之凶赤角戰太白者猶軍也而焚惑憂也故焚
惑從太白軍憂離之軍舒出太白之陰有分軍出其
陽有偏將之戰當其行太白還之破軍殺將辰星殺
伐之氣戰鬪之象也與太白俱出東方皆赤而角夷
狄敗中國勝與太白俱出西方皆赤而角中國敗夷
狄勝五星分天之中積於東方中國大利積於西方
夷狄用兵者利辰星不出太白爲客辰星出太白爲
主人辰星與太白不相從雖有軍不戰辰星出東方
太白出西方若辰星出西方太白出東方爲格野雖

有兵不戰辰星入太白中五日乃出及入而上出破
軍殺將客勝下山客亡地辰星來抵太白不去將死
正其上山破軍殺將客勝下山客亡地觀其所指以
名破軍辰星繞環太白若圍大戰客勝主人更死辰
星過太白間可械鋌小戰客勝居太白前旬三日軍
罷出太白左小戰歷太白右數萬人戰主人更死出
太白右去三尺軍急約戰凡太白所出所直之辰其
國爲得位得位者戰勝所直之辰順其色而角者勝
其色害者敗太白白比狼赤比心黃比參右肩青比
參左肩黑比奎大星色勝位行勝色行得盡勝之觀

象玩占日月犯太白有兵大戰一曰將有二心一曰
主人惡之一日月犯太白天下靡散河圖帝覽堦曰
強臣作亂以戰則不勝一曰太白與月犯國多盜賊
月蝕太白強國以戰亡亦曰其分主人死荊州占曰
臣弑君亦受誅一曰國君亡月掩太白王者亡地月
吞太白有兵戰國亡月蔽太白有猝兵期五日太白
出月下芒相及君死民流月生三日刺太白之陽陽
國勝小邑損月生三日刺太白之陰陰國勝兵在外
未及入而內者不及出南方爲陽北方爲陰月與太
白同出城守者資城宜更其守者月與太白合宿太

于死主憂月與太白令其南南國亡其北北國亡月
與太白同光其月月食其下兵亡太白與月爭光大
戰相去五寸有板城二寸軍憂三寸天子罷相六寸
天下有兵三寸有憂城一尺有板城五尺以外無咎
太白蝕月易大將一日將死一日臣伐主太白犯月
中其國戰不勝亡地海中占曰其分國立王一日其
分兵起一日將死一日臣謀主不成一日有內惡國
失政大臣作亂荊州占曰軍出主將太白入月中而
不出客將死出者人主死武密占曰太白入月中而
不見客死其星見主人死無軍則大臣當之乙巳占

曰太白入月不見星臣爲逆月弦太白侯王爲逆太白犯月刑理失均自毀其法太白貫月期不出六年國有大兵戰敗亡地一曰月以亂亡月生三日候太白夕出西方與月相並間容一指軍在外期十日有破軍殺將主勝二指期十五日有破軍死將客勝一曰主人小勝容三指期二十日有破軍死將客軍大勝主人亡地容四指期二十五日客軍入境主人不勝容五指期三十日軍陳不戰月未盡三月候太白熒出東方與月相並中間容一指入月三日有破軍死將主不勝容二指入月九月主人軍大敗失地容

三指入月十五日有破軍死將主人亡地容四指入
月二十日客軍大敗容五指入月二十七日軍陳不
戰其法閉目一舉指準之太白始夕山西方在月北
爲得行在月南爲失行用兵先起者敗巫咸曰入月
三日候太白夕出西方在月南中國敗勝負海之國
敗在月北負海之國勝中國敗秋冬入月三日太白
出西方居月北軍強居月南軍弱唐書志元和元年
十月太白入南斗十二月復犯之斗吳分也二年正
月癸丑月犯太白於女虛四月丙子太白犯東井北
轅四年九月癸丑太白犯南斗長楊賦天兵四臨天

子之兵謂之天兵言兵威之盛如天也

辰星任廷尉天律自主持人命在盆底固應樂見天官時

天若不肯信試與臯陶鬼一問而今一作一問如今日

廷尉秦官掌刑辟舜典帝曰臯陶蠻貊猾夏冠賊姦

尤汝作士五刑有服惟明克允文子臯陶暗而爲大

理天下無虐刑天律法律也如李師道遣賊殺宰相

武元衡取其顱骨而去京師大索弗獲兵部侍郎許

孟容見上言自古未有宰相橫尸路隅而盜不獲者

此朝廷之辱也因涕泣全云人命在盆底是也且中

人承確無功損威毀平仲勅其當斬以謝天下李絳

亦論其過既決遣之然帝終厚承璫爲罷絳宰相召
爲內弓箭庫使復左神策中尉所謂天若不肯信安
得起臯陶於今日一巾其罪而問之辰星北水之精
宰相之祥亦偏將廷尉象也色黑如奎大星一日行
一度半或五日行七度一月過一官史記察日辰之
會以治辰星之位曰北方木太陰之精主冬日壬癸
刑失者罰出辰星以其宿命國是正四時仲春春分
夕出郊奎婁胃東五舍爲齊仲夏夏至夕出郊東井
與鬼柳東七舍爲楚仲秋秋分夕出郊角亢氐房東
四舍爲漢仲冬冬至晨出郊東方與尾箕斗牽牛俱

西爲中國其出入常以辰戌丑未其蚤爲月蝕晚爲
彗星及天矢其時宜效不效爲失追兵在外不戰一
時不出其時不和四時不出天下大飢其當效而出
也色白爲旱黃爲五穀熟赤爲兵黑爲水出東方大
而白有兵於外解常在東方其赤中國勝其西而赤
外國利無兵於外而赤兵起其與太白俱出東方皆
赤而角外國大敗中國勝其與太白俱出西方皆赤
而角外國利五星分天之中積於東方中國利積西
方外國用者利五星皆從辰星而聚於一舍其所舍
之國可以法致天下辰星青角兵憂黑角水赤行窮

兵之所終免七命曰小正辰星天機安周星紀亥能
星鈞星其色黃而小出而易處天下之文變而不著
矣免五色青罔憂白罔喪赤罔中不平黑罔吉赤角
犯我城黃角地之爭白角號泣之聲其出東方行四
舍四十八日其數二十日而反入於東方其出西方
行四舍四十八日其數二十日而反入於西方其一
候之營室角畢箕柳出房心間地動辰星之色春青
黃夏赤白秋青白而歲熱冬黃而不明即變其色其
時不昌春不見大風秋則不實夏不見有六十日之
旱月饑秋不見有兵春則不生冬不見陰雨六十日

有流邑憂則不長天鏡曰辰星入月中軍士當敗有
奸人入城不出五日有賊兵至也

三台文章官作上天紀綱環天二十八宿磊落尚書郎整
頓排班行劍握他人將一四太陽側一四天市一作帝旁操

斧代大匠兩手不怕傷弧矢引滿反射人天狼呀啄明煌
煌

天官書魁下六星兩兩相比者名曰三能三能色齊
君臣和不齊爲乖戾孟康曰泰階三台也每台二星
凡六星應劭曰泰階者天子之三階上階爲天子中
階爲諸侯公卿大夫下階爲士庶人上階上星爲男

主下星爲女主中階上星爲諸侯三公下星爲卿大夫下階上星爲元士下星爲庶人三階平則陰陽和風雨時不平則稼穡不成冬雷夏霜天子行暴令好與甲兵修官榭廣苑囿則上階爲之坼按三台六星赤兩兩而居其勢碩直北斗第二魁星起文昌列招搖太微一星曰天柱三公之位也在天日三台主開德宣符也西近文昌二星曰上台爲司命主壽次二星對軒轅曰中台爲司中主宗室東二星抵太微曰下台爲司祿主兵又云三台者中天之大化北斗之率茲也漢書五行志北斗天之三辰綱紀星也天文

秘畧曰雲漢自坤抵艮爲地紀北斗自乾係巽爲天
綱二十八宿角二星十二度爲天之關內曰天廷黃
道經其中七曜之所行也天田在角之左天門在角
之右故石氏曰左角爲天田爲理主刑右角爲天門
爲將主兵明大天下太平賢人在朝火犯天田主旱
角宿芒動國祚不寧北爲左南爲右亢四星九度半
主疾疫天子內朝也明大則吉移動多病不見則天
下鼎沸而旱澇作臣四星十五度爲天子路寢王者
之宿宮明則大臣妃后米君不失節不見或移徙則
內亂生彗孛犯兵起五星犯后宮災房四星五度中

間爲天門黃道之所經月暈主大風心三星六度天
地之心人之主也中一星曰大火曰大辰曰明堂天
子之正位也中爲天子前爲太子后爲庶子直則主
失勢動則國有憂火守之爲國無主五星彗孛守犯
凶中心明則化成道昌移徙不見則國亡變黑色大
人憂直則地動尾九星十七度爲后妃之府第一星
主后次三星主夫人次則嬪妾火犯之宮中內亂箕
四星十一度亦謂之天津后妃后宮之府亦曰天雞
主八風凡日月宿在箕壁翼軫者風起又主蠻夷胡
貊明大而直吉暗凶月在箕宿其野風起移入河國

災人相食月暈金火犯之兵起斗六星二十五度爲
日月五星之正道芒角動搖天子憂兵起暗小宰相
廢死牛六星七度爲天之開梁上二星主道路次一
星主開梁次二星主南越下一星主牛移動牛多殃
曲則糴貴明大開梁通不明穀不登女四星十一度
主婦之卑也移動后廢木犯立后暗小國藏虛虛二
星十九度二十五分半少張冢宰之象也主北方城
邑廟堂祭祀又主風雨死喪動搖有死喪哭泣流星
犯之賊亂宗廟火守天子將兵水守飢饉危三星十
八度主天府廟堂又主風雨墳墓動則死喪哭泣事

且有土工兵起火守之地震室二星十七度一星爲
宮一星爲三軍之庫故置羽林之衛壁二星九度日
暈風雨生圖書之秘府王者好武經武不用圖書隱
奎十六星十七度天之武庫客星入守皆兵起要三
星十三度下九尺爲日月之中道動搖主聚衆星直
則有執主之命者曰三星十四度五穀倉也日暈年
穀不熟火守旱飢亦六星十一度天之耳目乃胡星
也又主獄事畢入星七度主邊兵日月暈蝕五星守
犯陰國憂謀竟日畢爲天綱主網羅無道之君背三
星一度在參之北角主天之關又爲三軍之候動移

則盜賊行天下旱參七星九度秒主殺伐權衡芒角
動搖邊候有急天下兵起參左足入玉井中兵大起
井八星三十四度主水泉月宿井有風雨之應鬼四
星二度主死亡祠祀動而光賦歛徭役徙人愁政
令急柳八星十四度主飲食動搖大人酒死失色天
下飢三年必應星七星七度主后妃御女之位亦爲
賢士之象失色則后妃死賢士誅暗則賢良不處張
六星十七度主太廟明堂御史之位暗則宗廟不享
明堂宮廢興二十二星十九度天之樂府明則禮樂
興暗則政教失日食大臣偕月蝕王者殃忠臣誅月

星大風旱女主惡之軫四星十八度平主將軍樂府
又主車騎載任男則車駕備動則車駕用有軍出入
皆占於軫月宿軫風起月暈軫庫無面兵底無係馬
日月食貴臣死淮南子星分度角十二亢九氐十五
房五心五尾十八箕十一四分一斗二十六牽牛八
須女十二座十危十七營室十六東壁九奎十六婁
十二胃十四昂十一畢十六觜嚙二參九東井三十
三輿鬼四柳十五星七張翼各十八軫十七凡二十
八宿也開闔門內東南維五星曰尚書主納言郎位
十五星在帝坐東北張衡云今之尚書郎也欲其大

小相均光潤有常吉楊震傳太微積星名爲郎位附
志主守衛也其星明大臣有劫主又曰客犯上其星
不具后死幸臣誅客星入之大臣爲亂磊落紀事作
磊磊蘇源明歌云星磊落耿耿秋河古兩頭纖纖詩磊
磊落落向曙星度人經煌煌磊落明威八回磊落不
群觀星經云更河星爲戟劍之星步天歌太陽之守
四勢前一箇宰相太陽側更有三公相西邊卽是京
戈一星圓太陽守一星在相西大將大臣之象也主
戒不虞設武備也非其常兵起勢四星在太陽西北
刑餘人而用事者也不明吉相一星在北斗南元戈

一星在招搖北一曰天戈也芒角大而動則四夷兵起下元名天市垣在房斗之間尾箕之上帝座一星常光明四角微芒宦者星帝坐有五一座在紫微宮一坐在大角一坐在心中一坐在太極宮一坐在天市垣咸云帝坐宦者四星在帝坐西南帝旁之闔人也星微則吉明則凶老子云夫代可殺者是謂代大匠斲夫代大匠斲者希有不傷手矣是時宦者握兵故云斲握他人代匠傷手也弧九星外一星矢也在狼東南天之弓也以伐叛悖遠又主備盜賊之知姦邪者弧矢向狼動移多盜明則兵大起狼弧張害及

胡天下乖亂又曰天弓張天下盡兵主與臣相謀張
衡云滿則天下兵起翟方進傳狼齧角弓且張狼一
星在井東南爲野將主侵掠色有常不欲變動角而
變色動搖盜賊作胡兵起人相食躁則主人不靜不
居其宮馳騁天下張衡曰居非其處則人相食色黃
白而明吉黑凶赤芒角兵起金水火守亦如之一云
狼一星赤又主兵火色欲黃白無光不宜動搖色赤
而光芒四張搖動則天下兵亂兵火起又曰動搖則
海兵作亂思立賦得威弧之誓刺乃射嗜冢之封狼
河圖曰嗜冢之精上爲狼星

擬牛與駃女不肯勤農桑徒勞含淫思旦夕遙相望出尤

鼓旗弄旬始提天鼓

一作弄旬始

鳴瑤瑤枉矢龍蛇行

一作枉矢龍蛇

行眉目

一作

森森張天狗下酖地血流何涉涉謠噎萬萬

竄構架何可當昧目壹成就

一作昧

害我光明王

焦林大斗記云天河之西有星煌煌與參俱出謂之

牽牛天河之東有星微微在氏之下謂之織女道書

云牽牛娶織女取天帝二萬錢備禮久不還被驅在

營室小說云天河之東有織女天帝之子也年年機

杵勞役織成雲錦天衣容貌不暇整理天帝怜其獨

處許嫁河西牽牛嫁後遂廢織經天帝怒焉責令降

河東但使一年一度相會魏文帝燕歌行星漢西流
夜未央牽牛織女迥相望杜甫詩牛女漫愁思秋期
猶渡河史記蚩尤之旗類彗而後曲象旗見則王者
征伐四方句始出於北斗旁狀如雄雞其怒青黑象
伏龍東京賦注句始妖氣也河圖曰填星之精流爲
句始宋均曰怒爲芒角刺出天鼓有音如雷非雷音
在地而下及地其所往者兵發其下一云無雲而雷
發一辟爲寡助謂之天鼓兵起國危秋冬尤忌天鼓
云天鼓鳴者空中無雲氣忽然如鼓聲名爲天鼓或
天作地暗忽然似鼓聲响過者亦名天鼓正月鳴天

子有道二月鳴國無赦宥不許萬民三月鳴隨意刑
禁不佞正法四月鳴民不樂五月鳴不孝者橫死六
月鳴世界安人民樂七月鳴謠言亂起八月鳴當境
災害生九月鳴天災水滂十月鳴人民飢十一月鳴
人民多難主不正也十二月鳴大臣謀位世反覆也
珙琅聲也枉矢狀類大流星蛇行而蒼黑望如有毛
目然後漢書矢常直而枉者操矢者邪枉人也辰星
之精散爲枉矢天狗狀如大奔星有尾其下止地類
狗所噬及炎火望之如火光炎炎衝天其下國如數
頃田處上兌者則有黃色千里破軍殺將周書曰天

狗所止地盤傾餘光燭天爲流星長十數丈其疾如
風其聲如雷其光如電吳楚七國反時吠過梁國者
是也太白星散爲天狗主候兵大衆賦狗過梁而千
里流血禮舍文嘉曰三星狀如火名天狗常在西北
見則人民相食天下大亂醜險萬萬黨者言衆星黨
惡不救月廣韻昧目不正也一作昧芥入目也于華
子如日有昧焉度人經周延靜平天帝光明王

請臨北斗一星相北極指揮萬國懸中央此外盡拂

一作掃

除沙磧如山踰贖我父母光當時恆星沒殞雨如抨漿似

天會事發叱喝誅姦狂

一作強

何故中道廢自遺今日殃

善又惡惡郭公所以亡願天神聖心無信他人忠

北極五星在紫微宮中一名天極第一星主月太子也第二星主日帝王也第三星主五星度子也度人經云北極星與群星相遠三度有奇而中空者北辰上帝真形也物理論云北極天之中陽氣之北極也極南爲太陽極北爲太陰日月五星行太陰則無光行太陽則能照故爲昏明寒暑之限極也北斗第一星名魁字貪狼一名天樞又名天英上統室壁奎婁節候陽明春生萬物下屬泰地徐州分野子生人屬之星周九百二十里第二名魁字巨門一名璇又名

天任上統胃昴畢觜節候陰秋成萬物下屬楚地益
州分野丑亥生人屬之星圖五百五十里第三名魁
字祿存一名瓊又名天柱上統參井柳鬼下屬梁地
冀州分野寅戌生人屬之星圖七百二十里四名魁
字文曲一名權又名天心上統張星翼軫下屬吳地
荊州分野卯酉生人屬之星圖八百里五名魁字廉
貞一名衡又名天禽上統角亢氐房節候丹元爰以
長養萬物下屬趙地兗州分野辰生人屬之星圖七
百二十里六名魁字武曲一名閭陽又名天輔上統
心尾斗箕節候北極三冬收藏萬物下屬燕地揚州

分野已未生人屬之星圖七百里七名魁字破軍一
名瑤光一名天冲一名天蓬又名天內上統女牛虛
危下屬齊地豫州分野午生人屬之星圖九百里張
衡曰一居中央謂之北斗北斗魁星第一名執陰第
二名叶指第三名視金第四名拒理第五名防作第
六名開寶第七名招搖沙磧如山岡者天文志云星
之至微如塵沙者則爲堆阜蓋星之在地則爲石石
之在天則爲星星墜於天半空凝結至地而成石也
天鏡曰星墜爲石天下兵起星墜爲沙其國君喪父
母光者日之與月猶父之與母也春秋莊公七年四

川辛卯夜恒星不見夜中星隕如雨公羊傳恒星者
列星也殺梁傳經星也左傳恒星不見夜明也夜中
星隕如雨與雨偕也梓榮一作迸榮字書曰迸散走
也釋道安曰慧光超焰莊王因視夜明謂魯莊七年
卽周莊王十年如來於是年成佛所以夜明非中夏
之災也舊唐書憲宗十四年正月迎鳳翔法門寺佛
骨至京師刑部侍郎韓愈上疏極陳其弊癸巳貶愈
爲潮州刺史故引恒星事發叱喝誅姦之語又劉向
以爲夜中者言不得終性命中道敗也或曰象其叛
也言當中道叛其上也憲宗不終其天年全云何故

中道廢自貽今日殃也叱呵也喝聲流喝也胡傳曰
齊桓公之郭問父老曰郭何故亡曰以其善善而惡
惡也公曰若子之言乃賢君也何至於亡父老曰郭
君善善不能用惡惡不能去所以亡也夫善善而不
能用則無貴於知其善惡惡而不能去則無貴於知
其惡未之或知者猶有所顛也夫既或知之矣不能
行其所知君子所以高舉遠引小人所以肆行而無
忌憚也願天神聖心無信他人忠者言當審乾剛無
爲小人所惑時皇甫鐸以諂刻欺蔽在相位唐詩紀
事請畱北斗相北極

王川子詞訖風色緊格格近月黑暗邊有似動劍戟須臾
凝竊精兩吻自決坼初露半个壁漸吐滿輪曉衆星盡原
紋一暮獨誅磔腹吐忽脫落依舊挂穹碧光采未蘇來慘
淡一片白奈何萬里先受此吞吐厄再得見天眼感荷天
地力

王褒詩上弦如半璧詩推災度日月三日成魄八日
成光月陰精也日光照之則見日光之所不照曰魄
望者日月相望人居其中盡觀其明故形圓二弦之
月日照其側人觀其旁故半明而半魄晦朔之月日
照其表人在其裏故不見釋名朔蘇也月死復生蘇

也繁露曰金用事其色慘淡而白一片白月無光之
狀韓詩此外內官瑱細不足科臣請悉掃除慎勿許
語令耿諱併光全燬歸我月育眼鏡淨無纖瑕點蛙
拘送主府官帝箸下腹嘗其嗜依前使免操杵曰玉
階桂樹閑娉娉姮娥還宮室太陽有室家天雖高耳
屬地感臣赤心使臣知義雖無明言清喻厥旨有氣
有形皆吾赤子雖念大傷忍殺孩稚還女月明安行
於次盡釋衆罪以蛙磔死

或問玉川子孔子修春秋二百四十年月餘盡不收今子
咄咄詞頗介孔意不玉川子笑答或請聽迺還孔子父母

魯諱魯不諱周書外書大惡故月蝕不見收余命唐天口
食唐土唐禮過三唐樂過五小猶不說大不可數災沴無
有小火瘡安一本有符字引衰州研聚可否日分晝月分夜辨
寒暑一主刑一主德政乃舉孰謂人面上一目偏可去顧
天完兩日照下萬方土更不替萬萬古

桂巖子曰春秋反王道之本譏天王以致太平刺惡
幾微不遺大小又曰始言大惡殺君亡國終言教小
過徐幹曰春秋於衆國也大惡始筆公羊傳春秋諱
國之惡大惡諱之小惡者之司馬遷日月食常也日
食不滅也是以春秋書日之食不書月食新唐書凡

唐著紀二百八十九年日食九十三而月食亦不書也天文秘畧曰日月交則食不交則不食通計一百七十三日有餘而有一交也于此時方有食也亦有交而不食者同道而相避也月行內道在黃道之北則食多驗月行外道在黃道之南雖遇正交無由映掩食多不驗也管子曰日掌陽月掌陰陽爲德陰爲刑是故日食則失德之國惡之月蝕則失刑之國惡之兩日不可偏廢災眚無有小大古人不書月蝕者非遺之也貴陽而賤陰詳內而畧外謂陽德修則陰眚可弭元和之末信用壬人宦官竊柄陰之爲禍烈

已此全所憤激而書也梅聖俞日使詩云前時蝦蟆
食爾妃天下戢戢無有忠責罵四方誰膽大仰頭憤
憤唯虛全欲持寸刃去其害氣力雖有天難通是時
了無毫芒益徒有文字辨且雄全死于今百餘載日
月幾度遭遶蒙有人見之如不見誰肯開口吞天公
迴迴出元后傳吏畏憚迴迴當坐者唐詩類苑照下
萬方土萬古更不替萬萬古更不替照萬古